

Galicia Encantada



ANIVERSARIO
2005  2025
Enciclopedia de Fantasia Popular de Galicia

Contos da tradición oral de Galicia

CATEGORÍAS RELACIONADAS

[ATU 150] O raposo e o barqueiro ou as tres verdades mais grandes do mundo



O raposo quería pasar ao outro lado do río porque había unha cesta con pitos (polos) pero non tiña cartos para pagarlle ao barqueiro.

Entón propúxolle que, se o pasaba, lle contaba as tres verdades mais grandes do mundo.

O barqueiro aceptou coa condición de que lle contara unha ao subir, outra polo medio do traxecto e outra ao chegar ao outro lado do río.

Cando subiron, o barqueiro díxolle ao raposo que lle tiña que contar a primeira.

Entón, o raposo díxolle:

—Mira que noite máis clara! Mesmo parece día, pero o día éche día. Se non fose día, eu non vía a cesta cos pitos do outro lado do río!

Cando ían a medio camiño, o barqueiro díxolle ao raposo que lle tiña que contar a segunda.

Entón o raposo dixo:

—A xente di: mira que pan! Mesmo parece de trigo, pero mira, o trigo éche trigo!

Cando chegaron ao outro lado do río, o barqueiro preguntoulle pola última verdade que lle tiña que contar.

Entón o raposo dixo:

—Mira, barqueiro, se todos fan coma min, non che fai falta bolsa para o diñeiro!

Este conto tradicional (ATU 150), que recolleemos en versión da Mestra da Memoria da AELG 2014, Elba Requeijo (Abadín, Lugo) 1943- 2025), foinos remitido pola súa filla, Patricia Fraga Requeijo en agosto de 2026.

-[Máis info sobre Elba Requeijo](#)